

LAKE MANITOBA LAKE ST. MARTIN

Ji-zaagijjiwangin Ziibiikaanan Izhichigewin

Aaniin Ge-izhi-inachigaadegiban Izhichigewin

Apii gaa-mooshka'ang 2011, gii-onji-gikenjigaade aaniin ji-izhichigaadeg epitaagamingin nibiin imaa Lake Manitoba zhidga Obashkodeyaang. Iwe [The Assiniboine River and Lake Manitoba Basins Flood Mitigation Study](#), izhichigewin gii-maajichigaadeg 2012 gaa-akiiwang Manitoba ogimaawining onji, aaniin minik gegoon ji-dazhiikigaadegin, abooshke onachigaadeg Lake Manitoba Outlet Channel ji-zaagijjiwang nibi, daabida da-ani-ate iwe Lake St. Martin Emergency Outlet Channel, gaa-ozhichigaadeg 2011 gaa-akiiwang.

Onjida dash owe ji-izhichigeng ji-onachigaadegin ono gaa-gii-ikidong imaa [2011 Flood Review Task Force](#), zhidga 2011 Flood Review Task Force, and [Lake Manitoba and Martin Regulation Review Committee \(2013\)](#) onashowewin gaa-gii-izhising.


Ge-izhichigaadegiban

Aaniin ge-izhichigaadegin ji-iska'igaadegin ziibin bebakaan da-onachigaadewan:

Nitam Bezhig: Giitwaam da-ganawaabanjigaadewan aaniin ge-izhichigengiban.

Ani-niizhwewig: Aanind gegoon da-aanjichigem, bebakaan ge-izhichigengiban, aaniin gaa-gii-ikidong nitam ge-izhichigengiban owe izhichigewin.

Ani-niswewig: Ishkwaach ge-gagiiginigaadeg aaniin maawanj ge-izhi-minosegiban, ge-inagindeg, ge-inanokaadeg, ge-izhi-maaminochigeng, ge-izhisegiban ondaadiziwin zhidga gechiwaag gaa-ayaang.



Lake Manitoba Zaagijjiwanan

Niizhaaswi gegoon daa-izhichigem iwe izhichigewin onji, mii gaa-izhising gaa-giizhibii'igaadeg onashowewin, inaabin Nitam Enashoweng (1 mezinising).

Aaniin gaa-gii-ikidong apii gaa-okobing, aazha gaye gii-maajii-onashowebii'igeng, iwe Option C (besho Pinaymootang Ishkoniganing) zhidga Option D (Dibishkoo Birch Creek) awashime gii-onashowaadewan.

Iwe Option C gaa-ijigaadeg gii-bagidinigaade onzaam gii-meshkwadaagamise nibi, ji-naniizaanaasiwind awiya, mii nawach iwe Option D gii-gagiinigaade.

Weweni da-ganawaabanjigaade iwe Lake Manitoba ji-iskiseg nibi, gaa-izhising imaa [Chapter 2 of the Environmental Impact Statement](#) gaa-ijigaadeg.



Figure 1: Lake Manitoba Ziibiikaan Ge-izhichigengiban

Lake St. Martin Ge-zaagijijiwang

Nitam Ezhichigeng

Onashwaadeg ji-onateg Lake St. Martin Ziibiikaan, igi Manitoba Transportation and Infrastructure odaa-aabajitoonaawaa' megwaa eyaamagak imaa Emergency Outlet Channel aazha aaniish gii-onachigaadewan apii 2011 gaa-mooshka'ang (iwe Reach 1 zhiigwa Reach 3 waabandan Figure 2). Imaa onji Stage 1 aandi ji-ategin ini Lake St. Martin ziibiikaanan, mii gaa-aabadadoon Reach 1, Reach 2 zhiigwa Reach 3 ge-ani-meshkwajisegin:

- Option JB (Johnson Beach) - Reach 1, Reach 2 zhiigwa Reach 3 izhi Johnson Beach
- Option WP (Willow Point) - Reach 1, Reach 2 zhiigwa Reach 3 izhi Johnson Beach waabanong Willow Point

Gii-gagiiginigaade iwe Willow Point gaa-ijigaadeg gii-inendaam aaniish Dauphin River ishkoniganing onji maagizhaa iwe Johnson Beach odaa-biigonaan noojigiigoo'iwewin zhiigwa iwe jiigew, mii daa-meshkwajise aaniin wendaadiziwaad awiyag imaa gechiwaag. Gii-twaam dash gii-ganawaabanjigaade iwe Willow Point ji-aabadak apii gii-twaam waabanjigaadeg (Stage 2 ge-izhichigaadeg) zhiigwa ji-aanjijiwanigaadeg nibi onji Reach 1 zhiigwa Reach 3, ji-bimijiwang imaa Buffalo Bog Complex gaa-ijigaadeg. Awashime dash gegoon gii-ganawaabanjigaadewan.




Figure 2: Nitam - Lake St. Martin Ziibiikaan Maaminochigaadeg

Ani-niizh izhichigewin

Ishkwaa giizhichigaadeg Stage 2 onachigewin, MTI ogii-onendaanaawaa' niwiin gegoon (ezhinaagwak Figure 3):

- Ge-izhichigeng 1 – nitam gaa-onenijigaadeg apii Stage 1 zhiigwa 2 gii-waabanjigaadegin (Reach 1, Reach 2 zhiigwa Reach 3 waabanong Willow Point)
- Ge-izhichigeng 2 – daabishkoo Option 1, mii-go eta ji-waanikaadeg 200 metre ingokwadeyaag ziibiikaan zhaabo-Buffalo Creek iskateg, ji-aabadak Reach 2, gaawiin gegoo gii-onjisesinoon mashkosiin gaa-bimigwandegin
- Ge-izhichigeng 3 – ji-mangichigaaadeg Reach 1 ikidong ziibiikaan ji-onachigaadeg gizhibi-iskising nibiikaang ji-aanikesing Reach 3, mii ge-ayaamagak ziibiikaan onji Obashkodeyaang izhi Lake Winnipeg; daa-basakamigaade edawayaa'ii ziibiikaan ji-mooshka'anzinogin gechiwaag akiin
- Ge-izhichigeng 4 – bakaan ji-izhichigaadeg Option 3 ji-dakosijigaadegin Reach 1 zhiigwa Reach 2 zhiigwa minik ge-onjiseeg waanikeng; ji-aanjichigadeg megwaa ziibiikaan ge-biinijiwang nawach oshki-ziibiikaan onji Obashkodeyaang izhi Reach 3, daa-aanikesin dash nawach dash daa-dakwaa

Ishkwaa ganawaabanjigaadeg, iwe Option 4 gii-odaapinigaade. Gii-bagidinigaadewan Options 1, 2, zhiigwa 3 onzaam niibowa daa-meshkwajise gechiwaag, niibowa gaye gegoon ji-ozhichigaadegibaniin. Daabishkoo ozhichigaadeg ziibiikaan iaa Buffalo Lakes gaa-nibiikaag, mangichigaadeg iwe Emergency Outlet Channel gaa-ijigaadeg. Gii-wendad ji-ozhichigaadeg, gaawiin gaye niibowa gegoo ji-dazhiikigaadeg ji-niisijigaadegin nibiin ji-mooshka'anzinog 2011.

Weweni ganawaabanjigaadeg iwe Obashkodeyaang ge-zaagijijiwanigiban ate imaa [Chapter 2 of the Environmental Impact Statement](#) gaa-izhising.




Figure 3: Ani-niizh - Lake St. Martin Ziibiikaan Maaminochigaadeg



Ji-aabadasinog iwe Lake St. Martin Emergency Outlet Channel ziibiikaan gaa-ijigaadeg

Iwe Reach 1 imaa Obashkodeyaang ji-zaagijjiwang nibi aanind gaye iwe Reach 3, gaawiin gii-dagosinzinoon ge-aapidateg ziibiikaan, da-booni-aabadad apii iwe Outlet Channels Project ozhichigaadeg.

Ginoonde-noondaagoom

Daga wiindamawishinaam aaniin ge-izhisegiban apii wiidabingeyan gaa-okobing, gemaa gidaa-ganoonaa gechiwaag iwe gaa-inanokiid, ogimaakaan odanokiiwining, gichi-ogimaa gaa-anokiing, gemaa awiya gekenimad izhibii'an izhi outletchannels@gov.mb.ca, Outlet Channels Project inaabin [Outlet Channels Project website](#).

Giiyaabi gegoo noonde-gikendaman

Bebakan gegoon ozhibii'igewinan wiindamaadim aaniin ayizhichigeng iwe Outlet Channels Project, abooshke:

- Wenji-dazhiikigaadeg
- Eyaamagakin Izhichigewining
- Epiitaagamingin Nibii, Bemijiwang Minik Nibi
- Meshkwajichigaadegin
- Enokaadegin

Gakina ji-waabandaman ono ozhibii'iganan, izhaan Outlet [Outlet Channels Project website](#).